


Camscéim

Ceist 1 Beidh tú ag féachaint ar ball ar thuirisc faoi chamscéim i mBaile Átha Cliath. Féach féin agus an duine in aice leat ar na focail seo a bheidh le cloisteáil sa mhír. An dtuigeann sibh iad?

comhlacht calaoiseach	_____
an Chúirt Choiriúil	_____
phléadáil...ciontach	_____
caimiléireacht	_____
foraoiseacht	_____
cúisí	_____
scéimeanna deontais	_____
doiciméid fóilió talún	_____
Clárlann na Talún	_____
reoigh	_____
éisteacht na pianbhreithe	_____



Anois, féachaigí ar an tuairisc le feiceáil an gcuideoidh sé sin libh. Mura bhfuil sibh cinnte faoi bhrí na bhfocal tar éis na chéad éisteachta, pléigí na focail leis an teagascóir.

Ceist 2 Féach ar an tuairisc arís agus freagair na ceisteanna seo:

1. Cén cineál comhlachta a bhí in *Arden Forestry Management*?
2. Cén fáth ar cúisíodh an bheirt fhear a bhí i gceannas ar an gcomhlacht?
3. Cad a bhí sa phaca fáilte a cuireadh chuig na hinfheisteoirí?
4. Conas a tháinig an chaimiléireacht chun solais?
5. Cad a tharla nuair a reoigh na Gardaí cuntas bainc AIB?

Ceist 3 Féach ar an tuairisc den tríú huair. Dún do shúile agus éist go cruinn léi. Ansin, déan cur síos, i d'fhocail féin, don duine in aice leat ar ábhar na míre.

Ceist 4 ‘...gur cháipéisí...’ Ach ...gurb amhlaidh atá an scéal...

- A. Cén fáth gur ‘gurb’ atá sa dara sampla thuas?
- B. Líon na bearnaí sna habairtí seo anois leis an bhfocal **gur** nó leis an bhfocal **gurb**. Tá na habairtí ar fad san aimsir láithreach.

- 1. Is dócha _____ í Áine a dhéanann an dinnéar gach lá.
- 2. Sílim _____ uirthise atá an locht.
- 3. Deirtear liom _____ ionann an dá thuairim.
- 4. Ceapaim _____ ea.
- 5. Nach dóigh leat _____ scannán maith é?
- 6. Tá mé cinnte _____ as an Fhrainc í.
- 7. Deir sí _____ uafásach ar fad an leabhar é.
- 8. Measaim _____ múinteoir maith í.

Ceist 5 Na haimsirí:

- 1. Cad iad na haimsirí a bhí le cloisteáil sa mhír? Tabhair samplaí.
- 2. Breac síos gach sampla den saorbhriathar a bhí le cloisteáil inti.
- 3. Bain úsáid as an mbriathar ‘cuir’ chun na rialacha a bhaineann leis an aimsir ghnáthchaite a chur in iúl.

Ceist 6 Pléigh na ceisteanna seo leis na daoine eile i do ghrúpa:

- 1. An ndearna tú féin caimiléireacht riamh, fiú i gcluiche cártaí mar shampla? Mínigh.
- 2. Ar chuala tú faoi aon chamscéim eile? Cad a bhí ann?

Treoracha agus Freagraí

Ceist 1

comhlacht calaoiseach	<i>fraudulent company</i>
an Chúirt Choiriúil	<i>the Criminal Court</i>
phléadáil...ciontach	<i>pleaded guilty</i>
caimiléireacht	<i>corruption, cheating</i>
foraoiseacht	<i>forestry</i>
cúisí	<i>accused person</i>
scéimeanna deontais	<i>grant schemes</i>
doiciméid fóilió talún	<i>land folio documents</i>
Clárlann na Talún	<i>Land Registry</i>
reigh	<i>to freeze/froze</i>
éisteacht na pianbhreithe	<i>the sentence hearing</i>

Ceist 2

Féach an script.

Ceist 3

Féach an script.

Ceist 4

A. Úsáidtear **gurb** in áit **gur** san aimsir láithreach:

- roimh aidiachtaí a thosaíonn le guta (*sílim gurb aisteach an duine é*)
- roimh na forainmneacha **ea, é/eisean, í/ise, iad/iadsan** (*is cosúil gurb ise atá ann*)
- roimh 'amhlaidh' nó roimh dhobhriathra aidiachtacha a thosaíonn le guta (*measaim gurb amhlaidh atá, sílim gurb annamh a tharlaíonn a leithéid*)

B. Líon na bearnaí sna habairtí seo anois leis an bhfocal **gur** nó **gurb**.

1. Is dócha **gurb** í Áine a dhéanann an dinnéar gach lá.
2. Sílim **gur** uirthise atá an locht.
3. Deirtear liom **gurb** ionann an dá thuairim.
4. Ceapaim **gurb** ea.
5. Nach dóigh leat **gur** scannán maith é?
6. Tá mé cinnte **gur** as an Fhrainc í.
7. Deir sí **gurb** uafásach ar fad an leabhar é.
8. Measaim **gur** múinteoir maith í.

Ceist 5

1. An aimsir chaite – a fuair, phléadáil, d'úsáid, srl.; an aimsir ghnáthchaite – a thugadh.
2. Dúradh, cuireadh, tugadh, osclaíodh agus aistríodh.
3. Chuirinn, chuirteá, chuireadh sé/sí, chuirimis, chuireadh sibh, chuiridís, chuirí. An gcuireadh sé? Chuireadh. Ní chuireadh.

Ceist 6

Is féidir gach beirt a chur ag déanamh an phlé seo agus ansin cuid de na ceisteanna a phlé leis an rang iomlán.

Siún Nic Gearailt

5.5 milliún euro a fuair beirt fhear gnó a bhí i mbun comhlacht calaoiseach infheistíochta foraoiseachta, a dúradh sa Chúirt Choiriúil i mBaile Átha Cliath inniu.

Phléadáil Garret Hevey agus David Peile ciontach i dtrádáil chalaoiseach agus i gcailéireacht a dhéanamh ar infheisteoirí sa chomhlacht. Os cionn 430 duine a dhein¹ infheistíocht i scéim cham a bhí ag an gcomhlacht *Arden Forestry Management*.

Aodhán Ó Maoileoin

Ba stiúrthóir é Garret Hevey, as Seanchill i mBaile Átha Cliath, ar an gcomhlacht *Arden Forestry Management*. Comhlacht é seo a thugadh deis do dhaoine airgead a dhéanamh ar fhoraoiseacht, trí scéimeanna deontais, agus trí thalamh foraoise agus adhmaid a dhíol.

D'úsáid Garret Hevey agus an cúisí eile, David Peile, ar as Sasana é ach a raibh seoladh aige i mBré, i gCill Mhantáin, ainmneacha bréige lena gcuid infheisteoirí. Ba as Tuaisceart Éireann, an Bhreatain agus an Eoraip den 430 infheisteoir a bhí ag an gcomhlacht; agus a raibh seoladh bréige aige ar Shráid na Tríonóide.

Cuireadh paca fáilte chuig na hinfheisteoirí uile, ina raibh uimhir teastais adhmaid, agus doiciméid fóilió talún bhréige, a bhí brandáilte ag comhlachtaí dlíthiúla. Ach, ní raibh a fhios ag na comhlachtaí sin gur cháipéisí bréige a bhí iontu.

Tháinig an chailéireacht chun solais nuair a tháinig infheisteoir ón bhFionlainn chun a infheistíocht a fheiceáil. Ach dúradh leis nach raibh am le dul chomh fada le Clárlann na Talún agus tugadh ar ais é chuig an aerfort. D'fhiosraigh sé féin an scéal agus fuair sé amach nach raibh an talamh cláraithe agus chuir sé glooch ar na Gardaí.

Dúradh sa gCúirt gur aistrigh Hevey and Peile os cionn 1.5 milliún euro chuig cuntas bainc in Dubai. Ach, nuair a reoigh na Gardaí cuntas bainc AIB anseo in Éirinn, ina raibh beagnach dhá mhilliún euro, osclaíodh cuntas *Barclays* ansin agus aistríodh os cionn ocht gcead míle euro d'airgead na n-infheisteoirí isteach ann.

Cuireadh siar éisteacht na pianbhreithe go dtí níos deireanaí sa mbliain.

Aodhán Ó Maoileoin, Nuacht TG4.

¹ rinne an leagan caighdeánach